



Cyfoeth Naturiol Cymru

Cyfarfod y Bwrdd

Dydd Mawrth 19 Mawrth

Teitl y Papur:	Cyflwyno'r wybodaeth ddiweddaraf i'r Bwrdd ynghylch y trefniadau ar gyfer rheoli digwyddiadau yn Cyfoeth Naturiol Cymru.
Cyfeirnod y Papur:	Papur 11 (03/13)
Paratowyd y Papur Gan:	Alun Williams

Diben y Papur:	Trafodaeth / Gwybodaeth
Argymhelliad:	Nodi'r wybodaeth ddiweddaraf
Y Penderfyniad a Geisir:	Amherthnasol

Effaith: Noder – efallai na fydd pob pennawd yn berthnasol i'r pwnc	<p>Effaith ar yr Amgylchedd : Bydd ymateb yn effeithiol i ddigwyddiadau'n sicrhau y bydd eu heffeithiau ar yr amgylchedd yn llai.</p> <p>Yr Effaith ar yr Economi: Amherthnasol</p> <p>Yr Effaith ar Gymunedau: Bydd ymateb yn effeithiol i ddigwyddiadau'n sicrhau y bydd cymunedau ac eiddo'n cael eu hamddiffyn.</p> <p>Yr Effaith ar Wybodaeth: Amherthnasol</p>
--	--

Pwnc

1. Mae Cyfoeth Naturiol Cymru wedi'i ddynodi'n sefydliad Categori Un o dan y Ddeddf Argyfyngau Sifil Posibl. Mae hynny'n gosod cyfrifoldeb cyfreithiol arnom i sefydlu

trefniadau cadarn ar gyfer rheoli digwyddiadau er mwyn ymateb i ddigwyddiadau ac argyfyngau.

Cefndir

2. Mae'r prosiect Parodrwydd Gweithredol wedi bod yn gweithio i sefydlu trefniadau ar gyfer rheoli ymatebion i ddigwyddiadau yn Cyfoeth Naturiol Cymru. Mae hyn yn cynnwys; sicrhau fod systemau ar gael ar gyfer y diwrnod breinio, cyfathrebu gyda sefydliadau partner a chadarnhau trefniadau gweithio trawsffiniol gydag Asiantaeth yr Amgylchedd.
3. Mae gan y tri chorff etifeddiaeth weithdrefnau gweithredol ar gyfer eu swyddogaethau presennol e.e. Comisiwn Coedwigaeth Cymru ar gyfer tanau mewn coedwigoedd, Cyngor Cefn Gwlad Cymru ar gyfer digwyddiadau Llygredd Morol ac Asiantaeth yr Amgylchedd Cymru ar gyfer llifogydd, llygredd a digwyddiadau amgylcheddol eraill
4. Penderfynwyd yn y Rhaglen Cymru Fyw fabwysiadu model Asiantaeth yr Amgylchedd ar gyfer rheoli digwyddiadau oherwydd bod gan Asiantaeth yr Amgylchedd systemau cynhwysfawr y gellir eu haddasu ar gyfer gofynion Cyfoeth Naturiol Cymru.
5. Cafodd y Bwrdd gyflwyniad manwl fis Ionawr 2013 ar drefniadau diwrnod 1 ac mae gwybodaeth yn y papur hwn ynghylch y trefniadau manylach.
6. Mae gan Asiantaeth yr Amgylchedd Weithdrefn Digwyddiadau Mawr sydd â chanllawiau manwl ac sy'n cael ei atodi fel Atodiad A i'r ddogfen hon. Bydd Cyfoeth Naturiol Cymru yn defnyddio'r ddogfen hon fel ag y mae a bydd yn cael ei haddasu ar ôl y diwrnod breinio er mwyn i Cyfoeth Naturiol Cymru allu dal ei defnyddio. Bydd y dogfennau atodol yn cael eu diweddarau a bydd y rhain ar gael yn electronig i staff drwy'r Fewnwyd a System Reoli Dogfennau fewnol Cyfoeth Naturiol Cymru.
7. Bydd pob rota ddyletswydd ar gyfer Asiantaeth yr Amgylchedd Cymru, y Cyngor Cefn Gwlad a Chomisiwn Coedwigaeth Cymru ar gael yng Nghanolfan Gyfathrebu 24/7 Asiantaeth yr Amgylchedd Cymru / Cyfoeth Naturiol Cymru cyn 1 Ebrill. Daw'r ganolfan yn ganolfan Cyfoeth Naturiol Cymru o 1 Ebrill a bydd hynny'n sicrhau parhad busnes. Cyfoeth Naturiol Cymru
8. Yn ogystal â'r rotas dyletswydd, mae Asiantaeth yr Amgylchedd wedi paratoi rhestr raeadr i'w defnyddio mewn digwyddiad mawr ac i alw rhagor o staff i shifftiau gwaith ac i gydymffurfio â'r Gyfarwydddeb Iechyd a Diogelwch ac Amser Gwaith. Mae'r prosiect wedi sicrhau bod trefniadau effeithiol wedi'u sefydlu ar gyfer ymateb i ddigwyddiadau dros benwythnos y Pasg. Mae copi o argaeledd swyddogion dyletswydd Pencadlys Cymru wedi'i atodi fel Atodiad B ac mae systemau tebyg ar gael yn lleol. Dylid nodi y canolbwyntiwyd wrth bontio trefniadau rheoli digwyddiadau i Cyfoeth Naturiol Cymru ar barhâd busnes ac ar reoli risg. Golyga hyn mai ychydig iawn y mae'r trefniadau presennol wedi newid gan y profwyd eu bod yn gweithio'n dda.
9. Cyn Gŵyl y Banc, bydd yna Ragolwg Perygl Llifogydd pum diwrnod a phe byddai yna berygl arwyddocaol o lifogydd yn ystod y cyfnod hwnnw rhoddir gwybod i staff bod yna fwy o debygrwydd o orfod ymateb i, a rheoli, digwyddiadau.

Cysylltiadau

10. Rhoddwyd gwybod i bartneriaid allweddol am y newidiadau, gan gynnwys tîm tywydd BBC Cymru, a bydd gofyn iddyn nhw roi gwybod i'r cyhoedd ble mae gwybodaeth ar gael ynghylch rhybuddion llifogydd.
11. Mae pob aelod o staff sydd â rhan wedi cael gwybod am unrhyw ofyniad newydd, er, fel y crybwyllwyd yn gynharach yn yr adroddiad, nid yw'r rhain yn arwyddocaol.
12. Bydd Asiantaeth yr Amgylchedd Cymru yn atgoffa Asiantaeth yr Amgylchedd Lloegr wythnos cyn y newid ar 1 Ebrill gan gadarnhau'r trefniadau cyswllt a fydd yn cael eu defnyddio gan Ganolfan Gysylltiadau Cyfoeth Naturiol Cymru yng Nghaerdydd a Chanolfan Gysylltiadau 24/7 Asiantaeth yr Amgylchedd (Rotherham).
13. Nes y bydd Asiantaeth yr Amgylchedd a'r Ganolfan Rhagweld Llifogydd Genedlaethol wedi dygymod â system e-bost Cyfoeth Naturiol Cymru byddwn yn defnyddio cyfrif e-bost yr hen Asiantaeth yr Amgylchedd Cymru a rhai newydd Cyfoeth Naturiol Cymru.
14. Os ceir digwyddiadau mawr neu rai trawsffiniol bydd Cyfoeth Naturiol Cymru yn hysbysu Asiantaeth yr Amgylchedd ac, o ran digwyddiadau mawr, bydd yn dal i hysbysu Tîm Argyfyngau Llywodraeth Cymru er mwyn i'r tîm gyflwyno gwybodaeth i Weinidogion.

Atodiad 1 Gweithdrefnau Rheoli Digwyddiadau Cenedlaethol Asiantaeth yr Amgylchedd
Atodiad 2 Argaeledd y Pasg (Enghraifft)